

## Transkription von Stadtbucheintrag HBS 1491b

Ort, Datierung: Halberstadt, 1491-04-23

Signatur: Stadtarchiv Halberstadt, H 09

Inhalt: Henrick Ffrancke: Zins- und Rentenbrief an das St.-Bonifacius Kapitel zu Halberstadt

Ick Henrick ffrancke Besitter(e) der mollen to Bessenleue vor Halbirstadt Bekenne openbor(e) vor meck vor Marga=/reten myne eeliken husfrawen vor myne eruen vnd erffnemen vor alszwem(e) de dussen breff sehn edder(e) hore(n) / leszen dat eck mith wolbedachtem(e) mōde vn(n)d frÿen willen recht vn(n)d redeliken vor dem(e) werdigen heren Er(e)n / Johan Crân officiāll der kelnerÿen In der kercken to halbirstadt In gerichte vn(n)d richtes stede vorkofft hebbe vnnd / vorkope Jegenwardigen In crafft dusses breues Den werdigen heren Deken Senior(s) vnd gantzem(e) Cappittelle / Sente Bonifac(ius) kercken bynnen halbrestadt mynes gudes heren virtich schillinge halb(i)rstedescher(en) were alsz In der(e) / nageschreuen tinsz dagetijdt bynnen halb(i)rstadt genghe vn(n)d gheue isz Jarlikes tinszes vn(n)d renthen an(e) vn(n)d vth / der gnanten myner mollen to Bossenleue mith aller rechticheit vn(n)d to behoringe Bauen dem(e) eruentinsze vn(n)d / ock dem(e) gekofften tinsze den eck effte de besitter(e) des suluen mollen den er(e)gnanten mynes erfftinsz gudes heren / na lude vorsegelder breue dar ouer gegeuen Iarlikes vorpflichtet byn effte syn to vornogende Sodan(e) virtich / schillinge Iarlikes tinszes wil eck vn(n)d myne eruen effte In tokomenden besitter(en) der suluen mollen schullen alle / tokomende Iar(e) na dat duss(es) breues den vorberörden mynen heren vpp(e) de hilgen dage to paschen ane Ienniger/leye hulperede gutliken vornōgen vn(n)d betalen Dar vor eck van den er(e)gnanten mynen heren deken Senior(e) vn(n)d / Cappittell to guder genoge entfangen vn(n)d vpp(e) genomen hebbe Twelff marck halb(i)r(stedescher) were vor eyne(n) schilling / Teÿn halb(i)rstedesche nÿe penni(n)ge to rekende vn(n)d de eck vorth in myne vn(n)d myner(e) eruen nuth vn(n)d fromen / gewandt vn(n)d gekarth hebbe Ock wil eck vn(n)d myne eruen effte In tokomenden tijden besitter(e) der gnant(e)n mollen / schullen szodan(e) mollen mith aller tobehoringe vorder nicht vorpenden vorsetten edder anderwisz mith tinszen / besweren ane der gnanten heren willen vn(n)d vulbord Vorder hebben meck vn(n)d mynen medebenomeden de / er(e)gnant(e)n heren den willen gedhā dat we de vorschreuen virtich schillinge tinszes mogen wedder affkopen / welches Iares we willen vn(n)d wen we dath dhōn willen dath schullen we den er(e)gedachten mynen heren / touor(e)n vpp(e) wÿnachten vorkundigen vn(n)d de(n)ne dar nha vpp(e) de negestuolgende hilgedage to paschen Twelff / halb(i)r(stedesche) marck der vpgnant(e)n halber(stedeschen) were houetsu(m)men , mith allen bedageden vn(n)d vorszethen tinszen In / eyner su(m)men gutliken vornōgen vn(n)d betalen ane Jennigerleye Insage argelist vn(n)d geverde Dusses / to groter wissenheyt vn(n)d gelouen hebbe eck henr(ik) , den Ergnant(e)n werdigen heren officiāll gebeden / dath he dussen vorberörden kōpp mith allen artikeln vn(n)d Inholde van synes amptesz wegen bestedigen / vn(n)d dussen breff mith synes official(is) angehangeden Ingesegill vorsegelen wille(n) Vnnd(e) we Johannes / Crân officialis der kelnerÿen In der kercken to halbirstadt Bekennen openbor(e) In dussem(e) suluen breue / dath we v(m)me bede willen Henrick ffrancken dussen vorgeschreuen kōpp mith allen vorberorden püncten / vn(n)d artikelen van vnszes amptesz wegen bestediget vn(n)d den obgnanten heren Deken Senior(e) vnnd(e) / Cappittell sente Bonifac(ius) Kercken bynnen halbirstadt dussen bref dar ouer(e) mith vnszes official(is) anghe=/hangeden Ingesegill vorsegelt ge geuen hebben Na der Bordt (cristi) vnszes leuen heren goddes dusent=/vîrhundert dar nha Im(e) Eÿnvn(n)dnegentigsten Jar(e) Am(e) Sonauende In

Senthe Jurgens dage desz / hilgen mertelers [putibus .... ]